



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ՀՐԱՄԱՆ

№ 91/45-L

« 14 » 05 2024 թ.

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԱՇԽԱՏՈՂՆԵՐԻՆ ԱՍԵՆԱՄՅԱ ԱՐԶԱԿՈՒՐԴ ՏՐԱՄԱԴՐԵԼՈՒ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ

Հիմք ընդունելով ՀՀ աշխատանքային օրենսգրքի 5-րդ, 158-163-րդ հոդվածների ու ՀՀ կառավարության 11.08.2005 թ. թիվ 1599-Ն ու 1384-Ն որոշումների պահանջները, ԵՊՀ ռեկտորի 2024թ. հունվարի 25-ի 17/104-L հրամանը և ղեկավարվելով «Երևանի պետական համալսարան» հիմնադրամի (այսուհետ՝ ԵՊՀ) կանոնադրության 57-րդ կետի 10-րդ ենթակետով.

հրամայում եմ

1. Հաստատել ԵՊՀ աշխատողներին 2024 թվականի հասանելիք ամենամյա արձակուրդ տրամադրելու ներքոհիշյալ ժամանակացույցը.

ա) ԵՊՀ պրոֆեսորադասախոսական (ներառյալ ամբիոնների վարիչներին) և գիտական համակազմերի աշխատողներին տրամադրել 35 աշխատանքային օր տևողությամբ ամենամյա երկարացված արձակուրդ՝ 2024 թ. հուլիսի 11-ից մինչև օգոստոսի 21-ը ներառյալ (30 աշխատանքային օր) և 2025 թ. հունվարի 3-ից մինչև հունվարի 10-ը ներառյալ (5 աշխատանքային օր) ընկած ժամանակահատվածում,

բ) ԵՊՀ ռեկտորին, պրոռեկտորներին և ԵՊՀ կառուցվածքային ստորաբաժանումների ղեկավարներին (ներառյալ բաժինների վարիչներին) տրամադրել 25 աշխատանքային օր տևողությամբ ամենամյա երկարացված արձակուրդ՝ 2024 թ. հուլիսի 18-ից մինչև օգոստոսի 21-ը ներառյալ ընկած ժամանակահատվածում,

գ) ԵՊՀ գրադարանի և արխիվի աշխատողներին տրամադրել 20 աշխատանքային օր տևողությամբ ամենամյա նվազագույն արձակուրդ և 5 աշխատանքային օր տևողությամբ ամենամյա լրացուցիչ արձակուրդ՝ 2024 թ. հուլիսի 18-ից մինչև օգոստոսի 21-ը ներառյալ ընկած ժամանակահատվածում,

դ) ԵՊՀ մյուս աշխատողներին տրամադրել 20 աշխատանքային օր տևողությամբ ամենամյա նվազագույն արձակուրդ՝ 2024 թ. հուլիսի 25-ից մինչև օգոստոսի 21-ը ներառյալ ընկած ժամանակահատվածում:

2. Սահմանել, որ սույն հրամանի 1-ին կետում նշված ժամանակացույցից տարբերվող այլ ժամկետներում աշխատողներին ամենամյա արձակուրդը (կամ դրա մի մասը) կարող է տրամադրվել միայն ԵՊՀ ռեկտորի հրամանով:

3. Սույն հրամանի մասին սահմանված կարգով տեղեկացնել ԵՊՀ աշխատողներին:

ԵՊՀ ՌԵԿՏՈՐ

Հ. Վ. ՀՈՎՀԱՆՆԻՍՅԱՆ